

MEMORIA XUSTIFICATIVA

Asunto:

CONVENIO DE COLABORACIÓN ENTRE O FONDO GALEGO DE GARANTÍA AGRARIA (FOGGA), A AXENCIA GALEGA DE CALIDADE ALIMENTARIA E O CONSELLO REGULADOR DA DENOMINACIÓN DE ORIXE RÍAS BAIXAS PARA A MELLORA DA XESTIÓN DA INFORMACIÓN RELATIVA Á DECLARACIÓN DE COLLEITA DE UVA DOS PRODUTORES ACOLLIDOS Á DENOMINACIÓN DE ORIXE RÍAS BAIXAS

ANTECEDENTES

O FOGGA é un organismo autónomo ao que lle corresponde, entre outras funcións, o desenvolvemento de accións que contribúan á mellora do sistema produtivo agrario e ao seu desenvolvemento equilibrado e integrado no territorio, consonte co previsto no artigo 10.d) do Decreto 7/2014, do 16 de xaneiro, polo que se aproban los estatutos do organismo autónomo Fondo Galego de Garantía Agraria. En particular, é competencia do Servizo de Apoio ao Sector Lácteo e Mercados Agrícolas do FOGGA a adopción de medida derivadas da aplicación da organización común de mercados agrícola, consonte co previsto no artigo 30.2. d) do citado decreto.

O Decreto 52/2018, do 5 de abril, polo que se crea a Axencia Galega da Calidade Alimentaria e se aproban os seus estatutos, define como obxecto da Axencia, entre outros, constituírse no instrumento básico de actuación da Administración xeral da Comunidade Autónoma de Galicia en materia de promoción e protección da calidade diferencial dos produtos alimentarios galegos acollidos aos distintos indicativos de calidade. A tal fin, identifica como funcións específicas da Axencia as actuacións de control e certificación dos produtos acollidos ás denominacións xeográficas de calidade e ás distintas figuras de protección da calidade alimentaria do ámbito da Comunidade Autónoma de Galicia.

A Axencia actúa como autoridade competente no ámbito da protección e control da calidade diferenciada, exercendo as súas funcións directamente ou ben a través de organismos delegados, como no caso das denominacións de orixe vitivinícolas, no que ten delegadas ditas funcións nos consellos reguladores. Neste último caso de delegación de funcións de control, a Axencia exerce a supervisión das actividades de



control dos consellos reguladores, garantindo o correcto desenvolvemento da delegación.

Os Consellos Reguladores das Denominación de Orixe constitúense en corporación de dereito público segundo o disposto no artigo 12 da Lei 2/2005, do 18 de febreiro, de promoción e defensa da calidade alimentaria galega.

De acordo co previsto no artigo 14 da Lei 2/2005, do 18 de febreiro, corresponde aos consellos reguladores aplicar os sistemas de control establecidos pola normativa comunitaria e polos seus propios regulamentos, referidos aos produtos, a calidade, as circunstancias conducentes á certificación do produto final e outros que correspondan; velar polo desenvolvemento sostible da zona de produción e colaborar coas autoridades competentes, en particular no mantemento dos rexistros públicos oficiais, así como cos órganos encargados do control.

O Decreto 256/2011, do 7 de decembro, polo que se regula o potencial de produción vitícola de Galicia ten por obxecto regular o potencial de produción vitícola da Comunidade Autónoma de Galicia, contribuíndo á súa ordenación territorial, no marco da regulamentación do sector vitivinícola na UE e da normativa básica estatal. En particular no que atinxe, entre outros, á viticultura e o seu desenvolvemento sustentable, de acordo co previsto seu artigo 1.1.d). Este decreto establece diversas ferramentas para acadar o equilibrio do mercado vitivinícola no marco da Organización Común do Mercado (OCM). Unha desas ferramentas ven constituída polas declaracións obrigatorias a efectuar no sector vitivinícola, como é a declaración de colleita.

Corresponde á consellería competente en materia de agricultura velar polo cumprimento polas diferentes persoas interesadas dos distintos tipos de declaracións obrigatorias, entre elas a declaración de colleita. En particular correspóndelle aos servizos territoriais responsables en intervención de mercados do FOGGA a tramitación desas declaracións obrigatorias.

Por outra banda corresponde aos consellos reguladores aplicar os sistemas de control establecidos pola normativa comunitaria e polos seus propios regulamentos, referidos aos produtos, a calidade, as circunstancias conducentes á certificación do produto final e outros que correspondan; velar polo desenvolvemento sostible da zona



de produción e colaborar coas autoridades competentes, en particular no mantemento dos rexistros públicos oficiais, así como cos órganos encargados do control.

RAZÓNS DE OPORTUNIDADE

A finalidade do convenio é regular o marco de colaboración entre as partes asinantes para a realización conxunta das actividades de control da produción no sector da viticultura para garantir a calidade da produción da DO. En concreto, a finalidade do convenio é mellorar a xestión e control da información relativa á declaración de colleita de uva dos produtores acollidos ao CRDO Rías Baixas.

Esta colaboración diríxese a realización conxunta das actividades de control da produción no sector da viticultura para garantir a calidade da produción da DO.

As razóns de oportunidade que amparan este convenio veñen dadas pola importancia do desenvolvemento dun axeitado sistema de control da produción de cara a perfeccionar a rastrexabilidade da produción vitivinícola e facilitar a recompilación da información para o cumprimento das obrigas de seguimento do mercado vitivinícola por parte das autoridades nacionais e comunitarias.

OBXECTIVOS PERSEGUIDOS

O obxectivo final perseguido é, por unha banda facilitar a transmisión da información por parte das persoas produtoras ao organismo encargado de recompilar a información de declaración de colleita, e por outra banda perfeccionar a rastrexabilidade da produción vitivinícola e facilitar a recompilación da información para o cumprimento das obrigas de seguimento do mercado vitivinícola por parte das autoridades nacionais e comunitarias.

Santiago de Compostela

O director do FOGGA

Silvestre José Balseiros Guinarte

